

PATRIOT

BULETIN KEMENTERIAN PERTAHANAN
ISSN 1511-1849 BIL : 1/2013

BULETIN KEMENTERIAN PERTAHANAN



Sejagat

KANDUNGAN

3 Keamanan Sejagat Untuk Semua

6 Piala Sumbangsih Milik Gladiator

7 Perhimpunan Bulanan MinDef

9 Istiadat Perbarisan DiRaja Dan Pengurniaan Watikah Tauliah Pegawai Kadet Graduan Kolej Tentera Darat, Pegawai Kadet Graduan Kapal DiRaja Sultan Idris 1 Dan Pegawai Kor Kesihatan Diraja



10 Kerjaya Kedua Untuk Bekas Tentera



11 Kolokium Pengurusan Kewangan

12 Tragedi Lahad Datu

13 Lagi Veteran ATM Dihargai

14 Penglibatan ATM di dalam Misi PBB

15 Misi Pengaman Pertubuhan Bangsa-Bangsa Bersatu PBB

17 SVTB1M Kepada Veteran ATM Negeri Johor

18 Ketua Setiausaha Negara Melawat Kementerian Pertahanan

19 Hari Terbuka MinDef Beri Maklumat Berguna Kepada Masyarakat

20 Program Treasure Hunt KAKEP 2013

21 Majlis Makan Malam Peghargaan Petugas Program Pengiktirafan Veteran 1Malaysia

22 Majlis Penyerahan Sumbangan Ops Daulat

23 Warga MinDef Bersama Tun Mahathir



24 5S Perkongsian Bersama

25 Hari Terbuka Angkatan Tentera Malaysia

26 Anugerah Perkhidmatan Cemerlang Pemangkin Kecemerlangan

27 LIMA '13 Kembali Menggegar Langkawi



29 Penyelidikan

Assalamualaikum dan Salam Sejahtera dan Salam 1 Malaysia

Alhamdulillah, syukur ke hadrat Ilahi, dapat kita bertemu lagi dalam keluaran majalah 'Patriot' buat sekian kalinya. Sedar tak sedar, dalam kesibukan menyelesaikan tugas kita seharian, masa berlalu dengan begitu pantas sekali. Dalam kita sibuk dengan aktiviti dan tanggungjawab kita setiap hari, janganlah kita lupa dan sambil lewa dengan keamanan dan kesejahteraan yang kita kecapai kini. Walaupun kita berada dalam keadaan aman sejahtera, bebas melakukan apa yang kita mahu setiap hari, kita harus ingat bahawa akan ada ancaman-ancaman yang mengintai untuk menerobos masuk dan merampas apa yang dimiliki oleh Malaysia sekarang.

Krisis pencerobohan Lahad Datu pada awal tahun 2013 telah mengejutkan semua rakyat Malaysia setelah 235 orang asing yang sebahagiannya bersenjata mendarat di Kg. Tanduo, Daerah Lahad Datu, Sabah pada 11 Februari 2013. Kumpulan tersebut yang menggelarkan diri mereka sebagai Angkatan Keselamatan Diraja Kesultanan Sulu dan Borneo Utara, telah dihantar oleh Jamalul Kiram III yang merupakan salah seorang dari pihak-pihak yang menuntut takhta Kesultanan Sulu. Walaupun pada

mulanya pencerobohan ini cuba diselesaikan secara aman dan melalui perundingan, namun pada pagi 1 Mac, satu pertempuran telah berlaku diantara anggota keselamatan dan kumpulan penceroboh tersebut.

Dalam keadaan keselamatan Sabah yang semakin meruncing, Kerajaan Malaysia telah mula menggandakan bilangan polis dan tentera dengan menggerakkan pegawai Rejimen Askar Melayu Diraja. Selain itu, 7 batalion ATM dari Semenanjung dan 1 batalion PGA dari Sarawak juga telah dihantar bagi meningkatkan kawalan keselamatan. Operasi Daulat yang dilancarkan sejak 5 Mac lalu bagi menghapuskan pengganas Sulu diteruskan. Juga berikutan dengan krisis ini, kerajaan telah mewujudkan sebuah kawasan yang dikenali sebagai Kawasan Keselamatan Khas Pantai Timur Sabah (ESSCOM) pada 7 Mac 2013 bagi memperkuatkan lagi keselamatan maritim di bahagian timur Sabah. Beberapa minggu selepas itu, Perdana Menteri Datuk Seri Najib bin Abdul Razak telah melancarkan sebuah zon yang dikenali sebagai Zon Keselamatan Pantai Timur Sabah (ESSZONE) pada 25 Mac 2013.

Walaupun krisis di Lahad Datu telah tamat, harapan kita sebagai rakyat Malaysia supaya keamanan Malaysia sentiasa terpelihara adalah amat tinggi. Kawalan keselamatan mesti diperketat lagi, pintu sempadan Negara dijaga sebaiknya, dan kita semua haruslah mengambil iktibar dari kejadian ini. Tindakan untuk menghapuskan sebarang bentuk ancaman terhadap keselamatan dan kedaulatan negara, khususnya di timur Sabah, mesti diteruskan supaya ia tidak berulang. Bersamalah kita menjaga dan memelihara Negara ini dari ancaman musuh dan anasir-anasir negatif yang boleh mengancam keselamatan dan kedaulatan Negara dan sekaligus mewujudkan keamanan sejagat.

Tahniah di ucapkan kepada pasukan keselamatan kerana telah berjaya mempertahankan kedaulatan negara daripada pencerobohan oleh pengganas di Lahad Datu. Kita turut bersedih dengan permergian wira-wira tanahair yang telah terkorban kerana memperjuangkan keamanan Negara. Sesungguhnya perjuangan mereka tidaklah sia-sia dan akan dikenang sehingga ke akhirnya. Al-Fatihah...

SIDANG REDAKSI

PENAUNG

Y.Bhg Dato' Dr. Haji Ismail bin Haji Ahmad
Ketua Setiausaha
Kementerian Pertahanan Malaysia

PENASIHAT 1

Y.Bhg. Dato' Jalil bin Marzuki
Timbalan Ketua Setiausaha (Pengurusan)

PENASIHAT 2

Razman Hakimi bin Abdullah
Ketua Komunikasi Korporat

KETUA EDITOR

Masnoor bin Ashaari

EDITOR

Nazrie bin Saini

WARTAWAN

Fazliatul binti Mohamed Isa
Sjn U Irwan bin Alias
Pbt Yussuhaimi bin Yusuf

PENULIS TAMU

Mej Zahrullail bin Hidayat (J7-Markas ATM)
Tengku Badli bin Tengku Zalli (JHEV)

Haironizan Mohd Idris (Pelatih UiTM)

Mohamed Khairul bin Kamal (Pelatih UiTM)

Noraini binti Ahmad Tabti (Pelatih UKM)

Nurul Syuhada binti Moktar (Pelatih Poly-Tech MARA)

Wan Nurhazirah binti Wan Shamsuri (Pelatih UNISEL)

Zulaikha Hanum binti Jaafar (Pelatih Poly-Tech Mara)

FOTO

Sel Liputan

Sel Rujukan dan Penerbitan, UKK

TERBITAN DAN EDARAN

Unit Komunikasi Korporat

Kementerian Pertahanan Malaysia

Sidang Redaksi Buletin PATRIOT mengalu-alukan sumbangan artikel mengenai aktiviti Kementerian, Jabatan dan Agensi dibawahnya. Artikel hendaklah dihantar kepada:

Editor

Buletin PATRIOT

Unit Komunikasi Korporat

Kementerian Pertahanan Malaysia

Jalan Padang Tembak

50634 Kuala Lumpur

Tel: 03-2071 4008

Emel : nazrie@mod.gov.my

KEAMANAN SEJAGAT UNTUK SEMUA

Artikel: Noraini binti Tabti (Pelatih UKM)
 Foto: Sel Rujukan & Penerbitan



Keamanan dan kemakmuran Malaysia kini perlu dipertingkatkan lagi agar rakyat Malaysia dapat hidup dalam sebuah negara yang aman dan makmur. Hal ini berikutan Malaysia pernah berdepan dengan beberapa siri ancaman keamanan dan keselamatan yang berterusan bermula pada tahun 1948-1960 dengan ancaman pengganas komunis semasa darurat diikuti dengan perjuangan dan bawah tanah Komunis sehingga 2 Dis 1989. Selain itu, ancaman daripada kumpulan militan yang muncul untuk memperjuangkan penubuhan kerajaan Islam seperti Kumpulan Tentera Sabilillah, Ibrahim Libya, Krypto, Kumpulan Nasir Ismail, Al-Maunah dan lain-lain pada tahun 1970-1995. Di samping itu, Malaysia juga menghadapi ancaman yang timbul daripada persengketaan kaum sehingga tercetusnya peristiwa-peristiwa yang tidak diinginkan seperti Peristiwa 13 Mei 1969, Kg. Rawa, Pulau Pinang 1998 dan Kampung Medan 2001. Ancaman keselamatan yang terbaharu kini adalah kes pencerobohan yang berlaku di Lahad Datu, Sabah yang telah mengorbankan 9 nyawa. Kejadian ini berlaku pada tahun ini yang melibatkan kumpulan yang mahu dikenali sebagai 'Askar Diraja Kesultanan Sulu'.



"Gelombang 'Keamanan Sejagat' perlu dimulakan untuk menghentikan sebarang persengketaan mahupun peperangan yang melibatkan mana-mana negara di dunia", kata Menteri Pertahanan kini Datuk Seri Hishammuddin Tun Hussein yang sebelumnya merupakan Menteri Dalam Negeri. Menurut beliau lagi, "Kita mahu keamanan sejagat dimulakan bukan hanya memberi tumpuan kepada kekejaman Israel di Gaza. Kalau kita boleh gerakkan satu gelombang 'We Want Peace', ia boleh dijadikan contoh untuk diamalkan negara lain," katanya kepada pemberita selepas majlis penutup Persidangan Kanak-kanak 'Children for Child Protection 2012' yang dihadiri lebih 500 peserta (Sinar Harian 2012).

Oleh yang demikian, pihak yang bertanggungjawab harus berganding bahu dalam merangka pelan keamanan untuk rakyat dan negara. Susulan daripada kes pencerobohan di Lahad Datu, Sabah, Menteri Pertahanan telah menyarankan bahawasanya gelombang keamanan sejagat diperlukan bagi menghentikan sebarang peperangan dan persengketaan yang melibatkan mana-mana negara. Dalam memastikan perkara ini dilaksanakan, beliau selaku bakal pemimpin negara di masa hadapan, diperlukan khidmat mereka untuk

menjaga keamanan dan kemakmuran negara Malaysia ini. Pada Mei lalu, Perayaan Hari Belia Negara 2013 yang disambut pada 15 Mei 2013 yang berkonsepkan slogan "Denyut nadi generasi muda sentiasa dirasai pemimpin negara", dapat dijadikan sebagai satu usaha dalam menjaga keamanan sejagat negara Malaysia daripada persengketaan ataupun peperangan. Sebagai pemimpin masa depan, belia Malaysia perlu bersama-sama dengan kerajaan dalam menjayakan pelbagai program transformasi untuk kemajuan dan kemakmuran negara. Mereka juga perlulah memantapkan semangat cintakan negara dan berusaha menjadi belia yang berguna kerana mereka ini bakal menjadi pemimpin suatu ketika nanti. Belia Malaysia amat bertuah kerana kepentingan mereka sentiasa diberi perhatian oleh kerajaan yang menyediakan pelbagai bantuan dan intensif untuk melahirkan generasi masa depan yang gemilang. Sebagai pemimpin yang bakal memimpin negara di masa hadapan, belia perlu bersama kerajaan menjayakan pelbagai program transformasi untuk kemajuan dan keamanan negara.



"denyut nadi generasi muda sentiasa dirasai pemimpin negara", dapat dijadikan sebagai satu usaha dalam menjaga keamanan sejagat negara Malaysia





Tidak boleh dinafikan bahawa perpaduan antara rakyat merupakan kunci keamanan sesebuah negara terutamanya di negara yang berbilang bangsa dan agama seperti Malaysia. Oleh itu, antara usaha lain dalam mempertahankan keamanan sejagat adalah dengan mewujudkan semangat bersatu padu dalam kalangan rakyat dan ia hendaklah dilaksanakan secara serius dan berterusan. Ini adalah disebabkan peristiwa hitam 13 Mei 1969 yang pernah mencalar sejarah Malaysia membuktikan bahawa ikatan perpaduan dalam kalangan rakyat berbilang kaum sangat rapuh. Oleh itu, parti politik yang pelbagai dalam negara ini, perlu membentuk kerjasama yang pintar walaupun mungkin berlaku konflik antara mereka. Ini kerana konflik itu bukanlah hanya memberi kesan negatif, malah konflik itu bakal memberi kesan positif dalam pembangunan sosial masyarakat.

Pada masa yang sama keamanan sejagat juga mampu diwujudkan dengan cara menjalin hubungan kerjasama antara negara serantau. Kesan daripada kerjasama itu, negara dapat memupuk persefahaman antara negara serantau ibarat aur dan tebing. Sehubungan itu, Malaysia telah menganggotai beberapa pertubuhan antarabangsa

seperti Pertubuhan Negara-negara Asia Tenggara (ASEAN), Pertubuhan Negara-negara Berkecuali (NAM), dan Pertubuhan Kerjasama Negara-negara Islam (OIC) di samping menjalin hubungan diplomatik dengan setiap negara di dunia kecuali Israel. Penglibatan Malaysia dalam pertubuhan-pertubuhan berkenaan adalah untuk menjalin kerjasama dari aspek politik, ekonomi, dan sosial serta membincangkan usaha untuk menyelesaikan konflik antara negara anggota.

Kesimpulannya, peristiwa mengejut di Lahad Datu bagai telah mengajar rakyat Malaysia betapa besarnya nilai kedaulatan sesebuah negara yang sudah merdeka dan nilai perpaduan antara kaum. Wilayah dan negara perlu dipertahankan dengan segenap jiwa raga dan nyawa merupakan pertaruhannya. Jelaslah bahawa jika tiada kesatuan dan tanggungjawab,

ia hanya akan menyumbang kepada kemunduran dan kejatuhan. Ingatlah sejarah bukan hanya sekadar masa silam tetapi sejarah sesuatu yang perlu dihayati kerana sejarah bukanlah sesuatu yang dikenang sebagai masa lampau tetapi sejarah merupakan teladan dan pemangkin kepada bangsa terkemudiannya dalam pembinaan sebuah negara bangsa yang aman, disegani dan menjadi sebuah ketamadunan yang agung.





Artikel: Sjn U Irwan bin Alias
Foto: Megat Mohd Firdaus bin Megat Ahmad

Stadium Shah Alam Selangor sekali lagi menjadi lokasi pertarungan hebat, dimana perebutan Piala Sultan Ahmad Shah 2013 atau lebih dikenali sebagai Piala SUMBANGSIH menjadi idaman setiap pasukan. Piala sumbangsih merupakan perlawanan pembuka tirai bagi musim liga Malaysia yang mana telah diperkenalkan pada tahun 1985. Pasukan ATM atau lebih dikenali sebagai Gladiator kini menjadi sebutan dibibir peminat bola sepak negara ini. Setiap perlawanan amatlah dinantikan oleh semua penyokong terutamanya penyokong ATM yang sentiasa membanjiri stadium.

Perlawanan dua pasukan gergasi negara amatlah dinantikan oleh semua rakyat Malaysia, terutamanya penyokong pasukan Gladiator (ATM) dan Red Warrior (Kelantan) yang sentiasa menjadi pembakar





semangat kepada setiap pemain. Perlawanan yang dianggap sebagai misi membalas dendam ATM telah berlangsung pada 5 Januari 2013 di Stadium Shah Alam Selangor dan dihadiri seramai 40,000 penonton. Serangan demi serangan akhirnya telah membuahkan hasil apabila Irwan Fadly Idrus muncul sebagai Wira The Gladiators dengan menjaringkan gol kemenangan menerusi sepakan percuma dari luar kotak penalti yang melencong cantik untuk mengegarkan gawang gol Kelantan dari jarak 25 meter. Jaringan ini telah menyepikan seketika penyokong fanatik Kelantan dan memberikan ruang kepada penonton setia ATM untuk memberikan sokongan terhadap pasukan kesayangan. Lebih manis lagi apabila Wira ATM Irwan Fadly

Idrus terpilih sebagai pemain terbaik perlawanan.



Kemenangan pasukan ATM bagi Piala Sumbangsih 2013 adalah titik permulaan dan hadiah pertama untuk tahun ini kepada semua penyokong dan peminat setia yang tidak putus-putus memberikan sokongan bagi menjadi pasukan yang terbaik diantara pasukan terbaik. Doa buat Pasukan ATM semoga akan terus menjadi pasukan yang gah dan digeruni serta sentiasa menjadi pasukan tumpuan oleh semua peminat bola tanah air. Syabas dan tahniah buat pasukan Gladiator. Hidup ATM!.



PERHIMPUNAN BULANAN MINDEF

Artikel: Nazrie bin Saini
Foto: Kpl Shahrul Hezar bin Azizan

Pada 8 Januari 2013 yang lalu, Kementerian Pertahanan telah menganjurkan Perhimpunan Bulanan MinDef yang dihadiri oleh YB. Dato' Seri Dr. Ahmad Zahid bin Hamidi. Perhimpunan kali ini telah menganugerahkan pemakaian pangkat kepada Tan Sri Syed Azman bin Syed Ibrahim, Pengarah Urusan Weststar Group of Companies yang diberikan pangkat Kolonel Kehormat dan Dato' Mohd Khusairi bin Abdul Talib, ADUN Slim River, Perak dan diberikan pangkat Leftenan Kolonel Kehormat. Majlis pada pagi tersebut juga diisi dengan pemberian Anugerah Pejabat Terbaik dan Anugerah Pekerja Contoh bagi separuh tahun kedua (Jul-Dis) 2012.

Anugerah Pejabat Terbaik

Tempat Pertama : Bahagian Akaun
Tempat Kedua : Bahagian Pentadbiran
Tempat Ketiga : MinDef Sarawak

Anugerah Pekerja Contoh (Awam)

Kategori: Kumpulan Pengurusan dan Profesional (Gred 41 hingga 48)

Puan Nur Wahidah Hanum binti Abdul Rahim dari Bahagian Perolehan

Kategori: Kumpulan Sokongan I (Gred 27 hingga 40)

Encik Mohd Syamsul Akhbar bin Ariffin dari Bahagian Pengurusan Sumber Manusia

Kategori: Kumpulan Sokongan I (Gred 17 hingga 26)

Puan Nor Faezah binti Hassan dari Bahagian Pengurusan Sumber Manusia

Kategori: Kumpulan Sokongan II (gred 1 hingga 16)

Encik Khairuddin bin Abdul Razak dari Pejabat Ketua Setiausaha



Turut hadir pada perhimpunan tersebut adalah YB Datuk Dr Abdul Latiff bin Ahmad, Timbalan Menteri Pertahanan, YBhg. Dato' Sri Dr. Hj. Ismail bin Haji Ahmad, Ketua Setiausaha Kementerian Pertahanan, Y.Bhg Jen. Tan Sri Zulkifeli bin Mohd Zin, Panglima Angkatan Tentera, Panglima-Panglima Perkhidmatan, Pegawai Kanan Awam dan Tentera warga Kementerian Pertahanan serta jemputan khas pasukan bola sepak ATM.

ISTIADAT PERBARISAN DIRAJA DAN PENGURNAAN WATIKAH TAULIAH PEGAWAI KADET GRADUAN KOLEJ TENTERA DARAT, PEGAWAI KADET GRADUAN KAPAL DIRAJA SULTAN IDRIS 1 DAN PEGAWAI KOR KESIHATAN DIRAJA



Artikel : Mej Zahrullail bin Hidayat (J7- Markas ATM)
Foto: Kpl Fairul Rashid Fakhrol Razi (J7- Markas ATM)

PORT DICKSON - Pada 19 Jan 2013 bersamaan 7 Rabiul Awal 1433H, Seri Paduka Baginda Yang Di-Pertuan Agong Almu'tasimu Billahi Muhibuddin Tuanku Al Haj Abdul Halim Mu'adzam Shah Ibni Almarhum Sultan Badlishah dan Seri Paduka Baginda Raja Permaisuri Agong Tuanku Hajah Haminah telah mencemar duli berangkat ke Istiadat Perbarisan Diraja dan Pengurniaan Watikah Tauliah Pegawai Kadet Graduan Kolej Tentera Darat, Pegawai Kadet Graduan Kapal Diraja Sultan Idris 1 dan Pegawai Kor Kesihatan Diraja. Turut hadir YAB Dato' Seri Utama Mohamad Hassan, Menteri Besar Negeri Sembilan, Jen Tan Sri Dato' Sri Zulkifeli bin Mohd Zin, Panglima Angkatan Tentera dan isteri Puan Sri Datin Sri Umi Kalsom binti Wan Awang, Datuk Dr Hj Ismail bin Hj Ahmad, Ketua Setiausaha Kementerian Pertahanan dan isteri Datin Hjh Junaidah

binti Rahman, Panglima-Panglima Perkhidmatan dan Isteri, Penasihat-Penasihat Pertahanan dan isteri, Pegawai-Pegawai Kanan ATM dan isteri.

Istiadat Perbarisan Diraja ini merupakan buat julung kalinya diadakan di Kolej Tentera Darat, Negeri Sembilan. Seramai 117 Pegawai Kadet Kolej Tentera Darat terlibat termasuk 62 Pegawai Kor Kesihatan Diraja (KKD) dan 10 dari Pegawai Kadet Graduan Tentera Laut Diraja Malaysia (TLDM). Pegawai Rendah Kanan Mohd Faris bin Mohd Noor (3013653) yang dilahirkan di Alor Star, Kedah pada 16 April 1987 telah dianugerahkan selaku pemenang Pedang Kehormat Pegawai Kadet Graduan Kolej Tentera Darat. Beliau ditauliahkan sebagai Leftenan Muda di dalam Kor Polis Tentera Diraja (KPTD). Manakala penuntut terbaik

pengajian Akedemik Pegawai Kadet Graduan Kolej Tentera Darat disandang oleh Pegawai Rendah Muda Asyroff bin Zakaria (3013670) anak kelahiran Balakong, Selangor merupakan anak kepada pegawai kanan didalam Angkatan Tentera dan kini menjawat sebagai Pengarah di Hospital Angkatan Tentera, Lumut, Perak. Beliau ditauliahkan sebagai Leftenan Muda didalam Kor Jurutera Ietrik dan Jentera (KJLJD). Manakala penuntut terbaik keseluruhan Pegawai Kadet Graduan KD Sultan Idris 1 (LAUT) telah dimenangi oleh Pegawai Kadet Graduan Mohd Noorkhalis Syafique Kamal bin Abdul Rashid (N/405501) dilahirkan di Mentakab, Pahang. Beliau ditauliahkan dalam Cawangan Bekalan dan Urusetia. Manakala Penuntut Terbaik Akademik Pegawai Kadet Graduan KD Sultan Idris 1 (LAUT) telah disandang oleh Pegawai Kadet Graduan Aleziana Carolina anak Castelo (N/405502) dilahirkan di Kuching, Sarawak pada 23 Sep 1986 dan beliau ditauliahkan dalam Cawangan Eksekutif (Undang-Undang).



Kerjaya Kedua Untuk Bekas Tentera

Artikel : Haironizan Mohd Idris (Pelatih UiTM)
 Foto : Megat Mohd Firdaus bin Megat Ahmad

Selepas pelaksanaan Program Pembangunan Sosioekonomi Veteran ATM Tidak Berpencen (PPSEV-ATM-TBP) kerajaan mengorak langkah lagi dalam menyediakan kerjaya kedua untuk bekas tentera. Satu kerjasama diwujudkan antara Kementerian Pertahanan dengan firma perunding, Kerjaya Sukses Sdn. Bhd. menawarkan program 1ACP (perancangan kerjaya) dan portal kerjaya secara eksklusif untuk veteran angkatan tentera meneroka peluang pekerjaan yang lebih luas semasa berkhidmat dalam pasukan.

Majlis yang berlangsung di Prince Hotel, Kuala Lumpur pada 5 Februari 2013 ini dirasmikan oleh Menteri Pertahanan, Y.B Dato' Seri Dr. Ahmad Zahid bin Hamidi. Portal kerjaya www.kerjayaveteran.my

ini merupakan program peralihan kerjaya dalam memberi manfaat kepada 30,000 orang veteran tentera berpencen dan tidak berpencen menjelang 2020 di samping membantu golongan tersebut menyesuaikan diri dengan kehidupan di luar bidang tentera. Turut hadir dalam majlis ini ialah Timbalan Menteri Pertahanan, Ketua Setiausaha Kementerian Pertahanan, Panglima Angkatan Tentera serta pegawai-pegawai kanan awam dan tentera Kementerian Pertahanan.



Kolokium Pengurusan Kewangan

Artikel : Mohamed Khairul bin Kamal (Pelatih UiTM)
Foto : Sjn Riau ak Ansang



Dengan objektif mengawal sistem dalaman dengan kukuh, cekap, berkesan dan optimum, satu Majlis Kolokium Pengurusan Kewangan bagi tahun 2013 telah dilaksanakan pada tarikh 7 Februari. Majlis dihadiri oleh Y.Bhg. Dato' Seri Hj. Ismail Bin Haji Ahmad, Ketua Setiausaha Kementerian Pertahanan dan kenamaan lain iaitu Panglima Tentera Laut Y.Bhg. Laksamana Tan Sri Abdul Aziz bin Haji Jaafar dan Panglima Tentera Udara, Y.Bhg. Jeneral Tan Sri Dato' Sri Rodzali bin Daud.

Tiga penceramah jemputan memberikan penekanan terhadap pengurusan

perbelanjaan dengan membawa idea *value for money*. Hal ini juga bertujuan untuk mengurangkan kes salah laku penyelewengan yang berlaku di dalam melaksanakan sebarang aktiviti yang dilangsungkan oleh mana-mana jabatan juga unit yang wujud di dalam Kementerian Pertahanan Malaysia. Tiga orang penceramah yang dijemput adalah Y.Bhg. Dato' Seri Abu Kassim Mohamed yang merupakan Ketua Pesuruhjaya Pencegahan Rasuah, Y.Bhg. Datuk Dr. Maznah Hamid iaitu Pengerusi Eksekutif Kumpulan *Securiforce* dan wakil dari Amanah Raya Berhad.

Program yang dijalankan ini mampu memberikan perkongsian pengalaman di dalam prinsip-prinsip urus tadbir yang cekap, amanah, berakauntibiliti, dan telus di dalam melaksanakan sebarang tugas yang diberikan. Perkembangan dari sudut pengurusan dan integriti diri sebagai pekerja dapat dikongsi juga agar prestasi kerja dan perkhidmatan di dalam Kementerian Pertahanan mampu menjadi lebih mantap dan maju di masa kini dan hadapan.

“
Program yang dijalankan ini mampu memberikan perkongsian pengalaman di dalam prinsip-prinsip urus tadbir yang cekap, amanah, berakauntibiliti, dan telus



TRAGEDI LAHAD DATU


Artikel: Zulaikha Hanum binti Jaafar (Pelatih Poly-Tech MARA)

Malaysia telah digemparkan dengan kejadian pencerobohan di Lahad Datu pada bulan Februari 2013 yang lalu. Semasa kejadian, dua anggota Angkatan Tentera Malaysia telah terkorban akibat daripada pertempuran dengan musuh. Prebet Ahmad Hurairah Ismail, 24, terkorban dalam pertempuran dengan pengganas semasa bertugas di Sungai Nyamuk, Kampung Batu, di Lahad Datu. Manakala seorang lagi Prebet Ahmad Farhan, 21 terbunuh dalam kemalangan jalan raya akibat daripada kegagalan mengawal trak yang dipandunya, Cenderawasih ketika menghantar makanan untuk anggota keselamatan dalam operasi itu. Allahyarham Ahmad Hurairah adalah anggota Angkatan Tentera Malaysia pertama yang terkorban sejak insiden pencerobohan pengganas di Sabah.

Perdana Menteri Malaysia, Datuk Seri Najib Tun Razak dan Menteri Pertahanan Malaysia, Datuk Seri Dr Ahmad Zahid Hamidi antara yang menyambut ketibaan kedua-dua jenazah yang diterbangkan khas menggunakan pesawat C-130. Semoga semangat perjuangan sebegini menjadi contoh dan teladan baik kepada masyarakat luar. Semoga keluarga arwah tabah dengan apa yang telah berlaku dan redha dengan ketentuan Allah S.W.T.

Negara beres amat bertuah kerana masih mempunyai anggota tentera yang sanggup berkorban nyawa berbakti dan memelihara Malaysia daripada terus diancam bahaya.

Keamanan yang kita kecapi sekarang adalah pengorbanan daripada pejuang-pejuang dahulu yang sanggup berkorban demi Negara Malaysia. Kita seharusnya menghargai jasa mereka dengan terus mengekalkan keamanan di Malaysia selama-lamanya. Dengan adanya Angkatan Tentera Malaysia dan agensi keselamatan yang lain, didoakan Malaysia akan terus selamat dan makmur.



LAGI VETERAN ATM DIHARGAI

Artikel: Tengku Badli bin Tengku Zalli (JHEV)
Foto: SSjn Mohd Zaidi bin Ahmad



Timbalan Menteri Pertahanan, Y.B Datuk Dr. Abd. Latiff Bin Ahmad telah menghadiri Majlis Sumbangan Veteran Tidak Berpencen 1Malaysia (SVTB1M) pada 13 Februari yang lalu. Majlis yang diadakan di Kerteh, Kelantan ini, turut dihadiri oleh Ybgh. Tan Sri Dato' Seri Panglima Hj. Annuar Bin Hj. Musa penyelaras Parlimen Ketereh, pegawai-pegawai kanan awam dan tentera Kementerian Pertahanan.

Melalui Pembentangan Bajet 2013 yang lalu, Kerajaan telah bersetuju untuk memberi sumbangan sebanyak RM1,000.00 secara sekaligus (one-off) kepada 234,500 orang Veteran ATM yang bersara awal atas sebab-sebab tertentu seperti perkhidmatan yang

kurang daripada 21 tahun. Selain itu, bagi bekas anggota tentera yang terdiri daripada pegawai dan anggota Lain-Lain Pangkat (LLP) ATM yang tidak berpencen yang telah dibersarakan atau menamatkan perkhidmatan secara terhormat tanpa mengira tarikh mula berkhidmat juga antara penerima sumbangan tersebut. Mereka yang layak diklasifikasikan dalam kumpulan angkatan tetap ATM, angkatan sukarela yang dikerah sepenuh masa oleh ATM tanpa mengira tempoh perkhidmatan, anggota Force 136, tentera British yang berkhidmat di Malaya/Malaysia atau Singapura dan daripada Sarawak Rangers.

Sumbangan Veteran Tidak Berpencen 1Malaysia (SVTB1M) ini akan melibatkan peruntukan kewangan sebanyak RM234,500,000.00 yang dikongsi bersama oleh Kerajaan dan Lembaga Tabung Angkatan Tentera. Tujuan pemberian SVTB1M ini adalah sebagai pengiktirafan Kerajaan di atas pengorbanan dan perkhidmatan Veteran ATM yang tidak berpencen dalam mempertahankan kedaulatan Negara sekaligus menghargai mereka yang pada suatu masa dahulu membantu dalam memastikan keharmornian Negara sentiasa utuh dan harmoni.



Penglibatan ATM di dalam Misi PBB

Artikel: Markas Angkatan Bersama
Foto: Sel Rujukan dan Penerbitan

Penglibatan Angkatan Tentera Malaysia (ATM) dalam misi PBB menyaksikan hampir 20,000 perwira dan perajurit telah menabur khidmat bakti di seluruh pelusuk dunia semenjak tahun 1960 bermula di Congo. Sejak itu, ATM terus mendapat mandat PBB untuk terlibat sama ada dalam tugas pengaman mahupun pemerhati di Negara-negara yang dilanda konflik. Keyakinan dan kepercayaan yang diberikan oleh PBB bukanlah sesuatu yang datang menggolek kerana ianya adalah hasil prestasi cemerlang yang berterusan yang disumbangkan oleh kontinjen-kontinjen ATM yang terdahulu.

Markas Angkatan Bersama yang merupakan Markas yang bertanggungjawab dalam mengawal selia segala operasi luar negara mulai tahun 2007 telah mengkoordinasikan hampir 15 misi pengaman di 10 buah negara yang bergolak dengan penglibatan hampir 1,020 orang pegawai dan anggota lain-lain pangkat ATM. Selain dari menghantar kontinjen-kontinjen ke misi luar negara, MK AB juga mengkoordinasikan penugasan Pegawai-pegawai pemerhati PBB (MILOB) dan pegawai staf PBB di dalam misi luar negara.

Bagi penglibatan ATM yang terbesar setakat ini adalah yang melibatkan misi pengaman di Lubnan, yang bermula pada awal tahun 2007 di dalam misi United Nations Interim Force In Lubnan (UNIFIL) dan juga di Afghanistan di bawah misi International Security Assistance Force mulai tahun 2010. Di Lubnan, penglibatan Malaysia semakin berkembang dimana dua kontinjen Malaysia melaksanakan operasi di bawah naungan UNIFIL iaitu

MALCON EAST atau dikenali sebagai MALCOY yang ditempatkan di Kaoukaba merupakan Sektor Timur UNIFIL sehingga kini telah melalui 8 siri dan mulai Ogos 2013. Manakala bagi Sektor Barat UNIFIL, pada mulanya dikenali sebagai MALCON WEST dan di tempatkan di At Tiri dan sekarang menjadi MALBATT berdasarkan pertambahan jumlah anggota iaitu 540 anggota serta telah melalui 5 siri. Perkembangan terbaru, Kontinjen Malaysia di UNIFIL iaitu MALBATT dan MALCOY telah digabungkan seperti arahan pihak UNIFIL dan ia dilaksanakan mulai Ogos 2013. Penggabungan ini menandakan berakhirnya penugasan MALCOY di Sektor Timur UNIFIL dan ATM beroperasi di sektor Barat UNIFIL sahaja dengan penambahan Kem baru iaitu Kem Marakah atau UNP 2-1. Jumlah keanggotaan baru MALBATT iaitu 850 anggota dan mulai bulan Ogos 2012, kontinjen ATM di UNIFIL dikenali sebagai MALBATT 850. Secara amnya peranan Malaysia di dalam misi UNIFIL adalah untuk memantau pematuhan dan menguatkuasakan Resolusi 1701 Majlis Keselamatan serta memastikan kestabilan, keamanan dan keselamatan negara Lubnan di patuhi sepenuhnya.

Selain itu, pada masa ini terdapat 8 orang anggota ATM bertugas sebagai staf Markas UNIFIL di Naqoura dan 5 orang lagi anggota ATM sedang bertugas sebagai staf di Markas Sektor Timur UNIFIL di Marjayoun. Dalam masa yang sama kita juga telah memberi ruang kepada Angkatan Bersenjata DiRaja Brunei (ABDB) untuk turut terlibat di dalam Misi UNIFIL di Lubnan mulai Okt 2007. Pada

masa ini terdapat 30 orang anggota ABDB yang sedang bertugas bersama MALBATT. Jumlah keseluruhan anggota ATM dan ABDB yang sedang berkhidmat di Lubnan adalah seramai 863 anggota.

Bagi penugasan ATM di Afghanistan, seramai 200 pegawai dan anggota yang dikenali sebagai MALCON ISAF termasuk anggota wanita telah menyumbang kepada pembangunan semula penduduk Wilayah Bamyān, Afghanistan dan. Sebanyak 5 siri MALCON ISAF, Kontinjen ATM telah diaturgerakkan ke Afghanistan yang terdiri dari Tim Perubatan, Tim Pergigian serta Elemen Keselamatan Am dan Tadbir/Logisik. Kontinjen ATM ini juga telah melaksanakan misi memberikan bantuan perubatan, pergigian dan latihan kepada penduduk tempatan di Wilayah Bamyān serta petugas-petugas perubatan dan pergigian kerajaan Afghanistan mulai Oktober 2010 sehingga Oktober 2013 Afghanistan. Di antara projek-projek yang dianggap berjaya dan diiktiraf oleh pihak USAIDS adalah program kawalan menangani wabak brucellosis atau brucellosis outbreak program yang merupakan inisiatif kontinjen Malaysia serta projek sistem penapisan air yang diusahakan secara mereka bentuk dan improvised penapis air untuk mendapatkan bekalan air minuman yang selamat dan bersih untuk diminum khususnya bagi kegunaan di sekolah-sekolah dan klinik-klinik kesihatan. Beberapa projek lain adalah seperti projek pemasangan sistem tenaga solar di Pusat kesihatan Bamyān, pembinaan 'Maternity Waiting Home' untuk kaum

wanita yang mengandung dan projek peningkatan pusat pergigian di hospital daerah Yawkalang, Panjab dan Waras.

Di peringkat ASEAN, ATM juga terlibat menghantar pegawai dan anggota menyertai Tim Pemantau Antarabangsa - Mindanao (TPA-M) yang bermula pada 9 September 2004. Tim ini ditubuhkan bagi bertujuan untuk memantau gencatan senjata serta perjanjian-perjanjian damai di antara Kerajaan Filipina dan Moro Islamic Liberation Front (MILF). TPA - M adalah terdiri daripada 54 orang daripada pelbagai negara seperti Brunei, Jepun, Norway, United Kingdom dan Indonesia. Penglibatan ATM di dalam TPA - Mindanao telah melibatkan 8 misi yang disertai oleh 11 pegawai dan seorang anggota lain-lain pangkat, 3 pegawai dari Polis Diraja Malaysia (PDRM) dan 3 orang pegawai awam dalam setiap misi.

Pelbagai cabaran yang dihadapi oleh Kontinjen Malaysia di dalam melaksanakan operasi di luar negara, selain dari cabaran berhadapan dengan cuaca yang ekstrim serta keadaan muka bumi yang berbeza, Kontinjen Malaysia juga harus berhadapan dengan cabaran budaya, bahasa dan adat resam yang amat berlainan dengan budaya Malaysia disamping tahap keselamatan yang tidak menentu di Negara-negara terbabit. Namun semua itu bukan penghalang kepada Kontinjen ATM untuk terus menabur bakti demi keamanan sejagat dan menjadi 'partnering for peace' untuk masyarakat dunia.

Misi Pengaman Pertubuhan Bangsa-Bangsa Bersatu PBB

Congo
▶ (ONUC)

Somalia
▶ (1994)

Kemboja
▶ (UNTAC)

Namibia
▶ (UNTAG)

Bosnia
▶ (UNPROFOR)

Somalia ► (UNOSOM II)



Lubnan ► (UNIFIL)



MALCON



MALBATT





SVTB1M KEPADA VETERAN ATM NEGERI JOHOR

Artikel: Nazrie bin Saini
Foto: SSjn Mohd Zaidi bin Ahmad

Pada 14 Februari 2013 yang lalu Jabatan Hal Ehwal Veteran telah mengajurkan Majlis Penyampaian SVTB1M kepada veteran ATM Negeri Johor yang disempurnakan oleh YAB Tan Sri Dato' Muhyiddin bin Hj Mohd Yassin, Timbalan Perdana Menteri Malaysia bertempat di Dewan Dato' Onn, MRAM Muar. Peruntukan telah dimohon oleh Ahli Parlimen adalah mengikut jumlah veteran ATM yang telah memohon SVTB1M dan yang telah layak. Peruntukan diagih kepada 1136 Veteran ATM dari kawasan PARlimen Pagoh, Ledang, Bakri dan Muar. SVTB1M diberikan kepada veteran ATM yang bersara awal kerana berkhidmat kurang 21 tahun serta tidak berpencen yang terdiri daripada pegawai dan anggota Lain-lain Pangkat (LLP) yang tidak berpencen seperti berikut:

- Veteran ATM telah dibersarakan/menamatkan perkhidmatan secara terhormat sahaja
- Tanpa mengira tarikh mula berkhidmat
- Tarikh tamat tempoh perkhidmatan (TTP) adalah pada atau sebelum 31 Disember 2012.



SVTB1M bertujuan sebagai pengiktirafan dan penghargaan kerajaan di atas pengorbanan dan perkhidmatan Veteran ATM Tidak Bepencen dalam mempertahankan kedaulatan Negara. Turut hadir dalam majlis tersebut ialah Menteri Sumber Manusia, YB Datuk Seri Dr. S. Subramaniam, Timbalan Menteri Pertahanan, YB Datuk Abdul Latiff bin Ahmad, 25 wakil Parlimen Negeri Johor, Presiden Persatuan Bekas Tentera Malaysia, Laksamana Tan Sri Dato' Sri Mohd Anwar bin Hj Mohd Nor (Bersara) dan Ketua Pengarah Hal Ehwal Veteran ATM, Mej Jen Dato' Zulkiflee bin Mazlan.

Ketua Setiausaha Negara Melawat Kementerian Pertahanan

Artikel: Nazrie bin Saini
Foto: Megat Mohd Firdaus bin Megat Ahmad

YBhg Dato' Sri Dr Ali Hamsa, Ketua Setiausaha Negara telah meluangkan masa dengan mengadakan lawatan ke Kementerian Pertahanan pada 18 Februari 2013 yang lalu. Lawatan julung kali ini merupakan lawatan pertama setelah dilantik sebagai Ketua Setiausaha Negara pada 24 Jun 2012. Lawatan dimulakan dengan pemeriksaan perbarisan dan beliau juga menerima penghormatan dari

“ Beliau memuji peranan ATM di dalam melaksanakan dasar New Blue Ocean Strategy atau akronimnya NBOS yang dilihat berjaya mencapai objektifnya ”

kawalan kehormatan utama panji-panji kor 1 RAMD. Ketua Setiausaha Kementerian Pertahanan YBhg Dato Sri Dr Haji Ismail bin Haji Ahmad bersama Panglima Angkatan Tentera Malaysia, YBhg Jeneral Tan Sri Zulkefli Mohd Zin, Ketua-Ketua Perkhidmatan serta pegawai-pegawai kanan awam dan tentera menyambut kehadiran beliau pada petang tersebut.

Bagi menjalin hubungan lebih rapat bersama pegawai dan kakitangan Kementerian Pertahanan, satu sesi dialog bersama kakitangan awam dan tentera diadakan. Dalam sesi dialog tersebut, beliau memuji peranan ATM di dalam melaksanakan dasar New Blue Ocean Strategy atau akronimnya NBOS yang dilihat berjaya mencapai objektifnya sekaligus memberikan prestasi membanggakan Kementerian dan ATM. Selain itu beliau berpesan dan berharap agar usaha murni ini akan dapat diteruskan di masa hadapan. Mengakhiri majlis ini satu sesi bergambar diadakan dan detik itu juga akan menjadi suatu kenangan kepada Kementerian Pertahanan khususnya dan Angkatan Tentera Malaysia amnya.





Hari Terbuka MinDef beri maklumat berguna kepada masyarakat



Artikel : Haironizan Mohd Idris (Pelatih UiTM)
Foto : Kpl Shahrul Hezar bin Azizan

Bagi memastikan Kementerian Pertahanan menwar-warkan perkhidmatan yang diberikan serta langkah promosi dan publisiti kepada Kementerian, Hari Terbuka MinDef diadakan pada 22 hingga 24 Februari 2013 yang lalu. Memilih lokasi strategik di e@Curve, Hari Terbuka ini menampilkan 12 tapak pameran antaranya Tentera Darat Malaysia (TDM), Tentera Udara Diraja Malaysia (TUDM), Tentera Laut Diraja Malaysia (TLDM) serta agensi atau bahagian lain di bawah kementerian.

Ketua Setiausaha Kementerian Pertahanan, Datuk Seri Dr. Ismail Ahmad turut hadir membuat lawatan rasmi sekali gus merasmikan program tersebut. Memberi maklumat lanjut menerusi pameran tentang fungsi, tugas juga peranan komponen ATM dan Bahagian Awam dalam Kementerian Pertahanan bukan sahaja dilihat sebagai satu pameran biasa bahkan mengumpul semua golongan masyarakat tanpa mengira kaum dan bersesuaian dengan konsep 1Malaysia.

Paling menyeronokkan dimana pempamer dari ketiga-tiga perkhidmatan iaitu Tentera Darat Malaysia (TDM), Tentera Udara Diraja Malaysia (TUDM) dan Tentera Laut Diraja Malaysia (TLDM) mempamerkan beberapa aset canggih untuk dipertontonkan kepada pengunjung dimanakira-kira 2,000 pengunjung yang hadir memberikan sokongan.

Artikel: Fazliatul binti Mohamed Isa
Foto: KAKEP

Pada 23 dan 24 Februari 2013 lalu Jawatankuasa Kecil Rekreasi dan Ekspedisi Kelab Kakitangan Awam Kementerian Pertahanan (KAKEP) telah menganjurkan program Treasure Hunt bermula dari Wisma Pertahanan, Jalan Padang Tembak ke Institut Perakaunan Negara (IPN), Sg Lang, Sabak Bernam, Selangor. Seramai 25 pasukan telah menyertai program ini yang mana setiap pasukan terdiri daripada empat orang. Pendaftaran peserta telah bermula pada jam 7.30 pagi dan pelepasan (flag off) telah disempurnakan oleh Y.Bhg Datuk Seri Dr. Ismail Bin Ahmad, Ketua Setiausaha Kementerian Pertahanan yang juga merupakan Presiden KAKEP. Format acara ini sedikit unik dimana ia bukanlah satu acara perlumbaan. Para peserta menerima kit panduan perjalanan beserta set soalan. Jawapan yang dicari ada berpandukan speedometer yang telah ditentukan dan ini bermakna, tersalah jalan, sesat, atau terlajak adalah sesuatu yang boleh menyebabkan jawapan salah atau tidak tepat.

PROGRAM TREASURE HUNT KAKEP 2013



Sepanjang perjalanan dari Wisma Pertahanan ke Institut Perakaunan Negara, peserta disajikan dengan pemandangan indah dan saujana mata memandangi. Sambil mencari jawapan kepada soalan-soalan yang diberikan, para peserta turut dapat bersantai dan menghilangkan stress setelah penat bekerja memandangi aktiviti Treasure Hunt ini lebih santai dan tidak perlu tergesa-gesa. Setiap kumpulan diberi mas sehingga jam 3.00 petang untuk menyerahkan jawapan kepada Pegawai Bertugas di Finish Control dan waktu serahan dicatatkan. Pada sebelah malamnya, acara penyampaian hadiah telah diadakan beserta dengan makan malam istimewa di Institut Perakaunan Negara.

Berikut adalah pemenang dari tempat pertama hingga tempat ke lima:

JOHAN RM 1,500.00

- Mohamad Aiyri Harizat
- Abdul Wilson @Vincent
- Peterpramo
- Azrul Fhaiz Zakaria
- Muhd Safuan Roslan

NAIB JOHAN RM 1,000.00

- Shahfirul Hafiz bin Damanhuri
- Nurul Zahira bte Ahmad
- Mohamad Farizan bin Abu Hassan
- Azrul IZAN bin Mohd @Daud
- Shahfirul Hafiz bin Damanhuri
- Nurul Zahira bte Ahmad
- Mohamad Farizan bin Abu Hassan
- Azrul IZAN bin Mohd @Daud

KETIGA RM 750.00

- Nurulhuda bt Omar
- Mohd Aznan bin Ibrahim
- Sarimah bt Bismai
- Zairy bin Pauzi

KEEMPAT (Saguhati)

- Mohd Najhan bin Hassan
- Ramli bin Hassan
- Tengku Hamdan
- Muhammad Ali Rejab

KELIMA (Saguhati)

- Suhazliza bt Mohamad Samsudin
- Hamidah bt Kamilan
- Hashim bin Mansor
- Ainul Isyrap bin Othman



Majlis Makan Malam Penghargaan Petugas Program Pengiktirafan Veteran 1Malaysia

Artikel: Nurul Syuhada binti Mokhtar (Pelatih Kolej Poly-tech MARA)
 Foto: Kpl Zaini bin Md. Noh

Kementerian Pertahanan Malaysia telah menganjurkan satu Majlis Makan Malam Perhargaan Petugas Program Pengiktirafan Veteran 1Malaysia yang telah dirasmikan oleh Ketua Setiausaha, Y.Bhg. Dato' Sri Dr. Haji Ismail Bin Haji Ahmad pada 06 Mac 2013 bertempat di Dewan Prima LJT, Taman Melawati, Kuala Lumpur. Nabil dan Angah Raja Lawak ditugaskan bagi mengendalikan program pada malam tersebut. Turut mencuri tumpuan adalah cabutan tiket bertuah dan semestinya persembahan khas dari Badan Kesenian MinDef dan keletah tersendiri Nabil dan juga Angah Raja Lawak.



Majlis Penyerahan Sumbangan Ops Daulat

Artikel : Nazrie bin Saini
 Foto: Kpl Shahrul Hezar bin Azizan

Pada 18 Mac 2013 yang lalu, Menteri Pertahanan Y.B Dato' Seri Dr. Ahmad Zahid bin Hamidi telah menghadiri Majlis Penyerahan sumbangan Ops Daulat oleh syarikat-syarikat swasta dan orang perseorangan bertempat di Wisma Pertahanan. Penyerahan sumbangan ini bertujuan bagi meringankan beban anggota Angkatan Tentera Malaysia yang terlibat. Semua sumbangan yang diterima akan disalurkan kepada Tabung Angkatan Tentera sebelum diserahkan kepada Ops Daulat.





Warga MinDef bersama *Tun Mahatir*

Artikel : Nazrie bin Saini
Foto : Kpl Shahrul Hezar bin Azizan

Pada 20 Mac 2013 yang lalu, warga MinDef berbesar hati dengan kehadiran Tun Mahatir bin Mohamad, mantan Perdana Menteri Malaysia ke MinDef. Beliau yang juga ditemani oleh Tun Dr. Siti Hasmah bt Mohd Ali hadir dalam program Bicara bersama Tun

dari ancaman dan gangguan terhadap keutuhan bangsa dan Negara. Majlis tersebut juga dihadiri oleh Timbalan Menteri Pertahanan, Ketua Setiausaha, Panglima-panglima Perkhidmatan, pegawai kanan dan awam Kementerian.



Mahatir. Pada pagi tersebut, beliau berkongsi pendapat berkaitan Pertahanan Negara Tanggungjawab Bersama. Beliau menekankan bahawa konsep pertahanan Negara yang juga dikenali dengan pertahanan nasional adalah usaha untuk mempertahankan kedaulatan dan keutuhan wilayah sebuah Negara. Selain itu juga, ia melibatkan keselamatan segenap bangsa



5S PERKONGSIAN BERSAMA

Artikel: Nazrie bin Saini
Foto: Sel Rujukan & Penerbitan

Atas dorongan dan kualiti yang ditunjukkan oleh Kementerian Pertahanan terhadap pelaksanaan Amalan Persekitaran Berkualiti 5S telah menjadikan Kementerian Pertahanan sebagai sumber rujukan dan perkongsian ilmu yang berguna kepada semua. Begitulah juga dengan pelaksanaan 5S apabila beberapa organisasi berminat serta bersungguh dalam melihat sendiri bagaimana warga Kementerian melaksanakan 5S. Perkongsian sebegini dilihat dapat sama-sama meningkatkan kualiti persekitaran yang cemerlang selain menjadi motivasi kepada setiap organisasi yang akan melaksanakan 5S. Sepanjang suku tahun yang pertama pihak Kementerian telah menerima kunjungan dari Markas Latihan dan Pendidikan, Markas Tentera Laut pada 20 Mac 2013 dimana rombongan ini dibawa ke Bahagian Akaun yang juga merupakan bahagian yang paling cemerlang dalam pelaksanaan 5S ini. Sesi taklimat oleh Q-Manager iaitu Puan Murliza Hanafiah bte Mohd Hanafiah, memberikan maklumat akan cara dan tip-tip berkesan dalam



melaksanakan 5S, selain perkongsian pengiktirafan yang telah dicapai oleh bahagian tersebut. Tahun ini juga, pihak Dewan Bahasa dan Pustaka telah hadir seramai 30 orang ke Kementerian bagi tujuan yang sama pada 20 April 2013 yang lalu. Kali ini Bahagian Pentadbiran telah dipilih sebagai mewakili Kementerian bagi menerima kunjungan rombongan tersebut. Bahagian Pentadbiran yang diketuai oleh Setiausaha Bahagian, Puan Siti Normah binti Abd Aziz bersama kakitangan bahagian tersebut telah memberikan taklimat ringkas akan pelaksanaan serta impak yang diperolehi sepanjang pelaksanaan 5S



ini. Rombongan juga dibawa secara berkumpulan ke ruang pejabat bahagian tersebut. Jawatankuasa Promosi sepanjang tahun ini merancang banyak program dalam menyemarakkan lagi pelaksanaan 5S dalam mengekalkan Kementerian Pertahanan sebagai salah satu Kementerian yang cemerlang dalam pelaksanaan 5S selain menjadi contoh dalam usaha membudayakan 5s sebagai salah satu program yang penting serta berkualiti.

HARI TERBUKA ANGKATAN TENTERA MALAYSIA

Artikel: Pbt Yussuhaimi bin Yusuf
Foto: Megat Mohd Firdaus bin Megat Ahmad

Hari terbuka Angkatan Tentera Malaysia (ATM) dilaksanakan secara serentak di 32 lokasi di seluruh negara pada 6 dan 7 April 2013. Program di bawah Strategi Lautan Biru kebangsaan (NBOS) itu telah dirasmikan oleh Perdana Menteri, Datuk Seri Najib Tun Razak di Pangkalan Udara Kuantan, Pahang yang turut disaksikan lebih 50,000 orang pengunjung yang hadir. Turut hadir sama, Menteri Besar, Datuk Seri Adnan Yaakob; Menteri Pertahanan, Datuk Seri Dr. Ahmad Zahid Hamidi; Panglima Angkatan Tentera Malaysia (ATM), Jeneral Tan Sri Zulkifeli Mohd. Zin dan Ketua Setiausaha Negara, Datuk Seri Dr. Ali Hamsa.

Bertepatan dengan temanya 'Tentera dan Rakyat Sentiasa Bersama' adalah manifestasi keakraban perhubungan antara pasukan keselamatan dan rakyat. Kerjasama antara tentera dan rakyat penting dalam usaha menjamin kesejahteraan negara dan ini bertepatan dengan konsep keselamatan menyeluruh (Hanruh) yang merupakan satu entiti dalam Dasar Keselamatan Negara. Penganjuran program ini juga adalah satu usaha ATM menyahut seruan pucuk pimpinan ke arah pembentukan gagasan 1Malaysia di samping bertujuan mencapai hasrat National Blue Ocean Strategic 8 (NBOS 8) iaitu mewujudkan komuniti perkongsian ketenteraan antara ATM, PDRM, dan Rukun Tetangga.

Aktiviti yang disediakan dibahagikan kepada empat kategori utama iaitu pameran statik melibatkan pameran persenjataan, peralatan, aset artileri dan jurutera, alat komunikasi dan kenderaan Jenis A. Juga pameran interaktif melibatkan pengendalian pertunjukkan senjata, pengendalian alat komunikasi dan Iktiar Hidup. Turut diadakan demonstrasi udara, persembahan Tatu, platun tambor, serunai, tembak dan gerak, memasak rangsum, tempur tanpa senjata, persembahan kugiran, pertandingan dan juga brass band. Selain itu, antara tarikan utama yang pastinya ditunggu-tunggu pengunjung sempena sambutan Hari Terbuka adalah aksi aerobatik Tentera Udara Diraja Malaysia (TUDM) yang dikenali sebagai Kris Sakti menggunakan pesawat Extra 3001. Persembahan julung kali yang diadakan itu peluang terbaik orang ramai terutamanya masyarakat di daerah ini yang tidak berkesempatan berkunjung ke Pameran Maritim dan Aeroangkasa Antarabangsa Langkawi 2013 (LIMA 13) baru-baru ini.

Bagi warga negara berusia 18 hingga 25 tahun yang berminat menyertai ATM, permohonan melalui kaunter juga disediakan. Disamping itu, 70 gerai dibuka dan orang ramai telah berpeluang mengunjunginya seawal jam 8 pagi hingga jam 6 petang.



ANUGERAH PERKHIDMATAN CEMERLANG PEMANGKIN KECERMELANGAN



Artikel: Nazrie bin Saini
Foto: LK PNK Ayub bin Memat

Bagi menghargai dan mengiktiraf mereka yang cemerlang sepanjang tahun 2012 yang lepas, satu majlis Anugerah Perkhidmatan Cemerlang telah diadakan pada 9 April 2013 yang lalu. Acara tahunan ini telah disempurnakan oleh YB Datuk Dr Abd Latiff bin Ahmad, Timbalan Menteri Pertahanan dan YBhg. Dato' Sri Dr. Ismail bin Haji Ahmad, Ketua Setiausaha Kementerian Pertahanan. Bagi tahun ini seramai 996 orang pegawai dan kakitangan awam telah terpilih untuk menerima anugerah tersebut dimana 35 adalah dari kategori Pengurusan dan Profesional, 480 Kumpulan sokongan I dan 481 orang dari Kumpulan sokongan II. Manakala dari



perkhidmatan terntera pula seramai 9709 orang terpilih mengikut pecahan 7136 dari perkhidmatan Darat, 1409 dari perkhidmatan Laut dan 1164 dari perkhidmatan Udara. Selain itu juga, 139 orang pegawai dan kakitangan awam dianugerahkan Pingat Perkhidmatan dan Perkerti Terbilang. Ianya diberikan kepada mereka yang akan bersara wajib pada umur 55, 56, 58 atau 60 tahun pada tahun 2013 serta menunjukkan prestasi kerja yang memberangsangkan. Semoga dengan penganugerahan ini akan meningkatkan lagi semangat kerja berpasukan yang utuh serta menjadi pemangkin kepada pembangunan perkhidmatan awam yang berkualiti dan berintegriti.



Oleh: Fazliatul binti Mohamed Isa
Foto: Sel Rujukan dan Penerbitan

Pameran Maritim dan Aeroangkasa Antarabangsa Langkawi 2013 (LIMA '13) telah berlangsung pada 26 hingga 30 Mei 2013 yang lalu. LIMA '13 seperti tahun sebelumnya menampilkan pelbagai acara hebat menerusi segmen udara dan maritim. Acara cukup hebat yang diadakan pada setiap selang setahun ini telah dirasmikan oleh YAB Perdana Menteri Malaysia, Datuk Seri Najib Tun Razak. Turut hadir, Timbalan Perdana Menteri, Tan Sri Muhyiddin Yassin, Menteri Pertahanan, Datuk Seri Dr. Ahmad Zahid Hamidi serta bekas Perdana Menteri, Tun Dr. Mahathir Mohamad. Perdana Menteri yang diiringi oleh Timbalan Perdana Menteri dan Menteri Pertahanan turut menyaksikan persembahan pembukaan oleh pertunjukan udara dari 24 jenis pesawat yang melakukan pelbagai aksi. Seterusnya, Perdana Menteri turut melancarkan misi penerbangan solo '1Malaysia Around The World' yang dilaksanakan oleh Kapt James Anthony Tan.

LIMA 2013 menawarkan prospek besar untuk melonjakkan lagi Malaysia dalam pasaran industri maritim dan udara yang kian berkembang di rantau Asia. Ia sekaligus memastikan pertumbuhan pesat yang dicatatkan Malaysia. LIMA 13 yang memaparkan kedua-dua industri itu melambangkan aspirasi program transformasi ekonomi untuk negara mencapai status berpendapatan tinggi. Semasa merasmikan acara ini, YAB Perdana Menteri berkata, "Menerusi jaringan




erat dengan negara-negara Asia serta ekonomi mesra perniagaan, saya percaya prospek pembangunan amat kukuh." Pada majlis itu juga, Perdana Menteri turut menyaksikan pertunjukan udara yang menampilkan aset-aset Tentera Udara Diraja Malaysia di samping melawat gerai-gerai pameran LIMA. Menurut Perdana Menteri lagi, beliau amat berbangga Pameran LIMA yang memasuki edisi ke-12 itu telah berjaya meningkatkan penyertaan sebanyak 10 peratus dengan menarik kehadiran 450 syarikat dari 29 buah negara serta menghimpunkan 78 buah pesawat dan 62 buah kapal perang.

Kira-kira 180,000 pengunjung melawat Pameran Udara dan Maritim Antarabangsa Langkawi 2013 (LIMA'13), sekali gus melepasi sasaran 150,000 yang ditetapkan penganjur. Pengunjung dari dalam dan luar negara tidak melepaskan peluang melawat Pusat Pameran Antarabangsa Mahsuri (MIEC) untuk menyaksikan pameran dan pertunjukan aerobatik LIMA sepanjang dua hari ia dibuka kepada orang ramai. Rata-rata pengunjung teruja dengan aksi aerobatik dan maritim yang dipaparkan sepanjang dua hari tersebut dan memberikan komen positif mengenai pameran ini. Selain individu dari dalam dan luar negara, keluarga dan kumpulan pelajar juga tidak terkecuali berkunjung ke pameran ini. LIMA '13 bukan sahaja memberi peluang kepada pedagang membuat urus niaga malah, membolehkan pelajar menimba ilmu untuk mengembangkan kerjaya dalam bidang angkasa, udara dan laut. Sambil mendapatkan maklumat di gerai-gerai pameran, pelajar turut didedahkan mengenai



perjalanan sesuatu operasi yang melibatkan penggunaan pesawat, kapal dan laut.

LIMA'13 telah melabuhkan tirainya pada 30 Mac 2013 selepas mempamerkan aksi aerobatik dan laut yang memukau selama lima hari di bumi Langkawi. Kejayaan Kementerian Pertahanan Malaysia menganjurkan LIMA 13 di Langkawi cukup besar ertinya bukan sahaja kepada dunia tetapi juga memberi kebanggaan kepada kita sebagai rakyat Malaysia.



PENYELIDIKAN

Artikel: Universiti Pertahanan Nasional Malaysia

CODRAT Penggerak Kepada Pelan Hala Tuju (Blueprint) Penyelidikan Pertahanan & Keselamatan Sosial

Pusat Penyelidikan dan Teknologi Pertahanan (Centre for Defence Research and Technology, CODRAT) telah ditubuhkan pada Mac 2009 di Universiti Pertahanan Nasional Malaysia (UPNM). Sebagai salah sebuah pusat kecemerlangan, CODRAT memfokuskan kepada R&D&C pertahanan untuk memenuhi Polisi Pertahanan dan juga agensi kerajaan dan swasta yang lain.

Penyelidikan di pusat ini dilaksanakan secara usaha sama dengan agensi-agensi luar yang berkaitan dalam penyelidikan pertahanan. Dalam masa yang sama, hasil penemuan penyelidikan akan dikomersilkan untuk penggunaan dalam Angkatan Tentera Malaysia (ATM).

CODRAT yang diamanahkan oleh Majlis Penyelidikan Pertahanan dan Keselamatan Nasional (National Defence and Security Research Council, NDSRC) untuk menyiapkan pelan hala tuju atau *Blue print* penyelidikan pertahanan dan keselamatan di peringkat nasional. Salah satu objektif pelan ini adalah bagi mendukung pelan Strategik Industri Pertahanan yang sedang dirangkaikan oleh *Malaysian Industry for Defence Enforcement and Security* (MIDES) di Kementerian Pertahanan Malaysia.

Pengisian Dan Konsep Pelan Halatuju

Memandangkan profil serta keadaan keselamatan yang berbeza di rantau ini dan pada ketika ini, Dasar Keselamatan Negara telah menumpukan kepada aspek peningkatan kemampuan (*capability enhancement*) dalam menghadapi ancaman tradisional dan juga ancaman bukan tradisional seperti perdagangan manusia, bencana alam dan sebagainya.

Dalam memenuhi keperluan ini, Pelan Hala Tuju penyelidikan tersebut memfokus kepada keselamatan ekonomi, keselamatan tenaga, keselamatan alam sekitar, keselamatan/kesejahteraan rakyat yang memerlukan banyak bidang serta tujahan baru penyelidikan yang relevan dengan keadaan semasa. Disamping kekuatan yang sedia ada dalam penyelidikan pertahanan dan keselamatan, pelan ini juga akan meletakkan sasaran pencapaian mulai sekarang sehingga tahun 2025.

Sumbangan Kepada Pertahanan Dan Keselamatan Negara

Hasil-hasil penyelidikan dari pelan tersebut dijangka mempunyai potensi untuk digunakan oleh sector Pertahanan dan Keselamatan Negara tanpa terlalu bergantung kepada perolehan dari teknologi luar negara. Di samping mencapai hasrat berdikari (*Self Reliance*) dalam penggunaan aset-aset berkaitan, penghasilannya adalah "*sustainable and inclusive*" dan mampu menjanakan peluang pekerjaan di sektor tersebut. Pendek kata model pelan yang bakal dirangkaikan itu akan mematuhi Model Baru Ekonomi Negara dengan menjadikan dana penyelidikan sebagai dana pelaburan dalam menghasilkan penyelidikan yang berguna dan berpotensi.

Adalah menjadi harapan agar Pelan Hala Tuju ini dapat dizahirkan bagi meningkatkan keupayaan Negara dalam sentiasa mengawasi keselamatannya dari sebarang bentuk ancaman luar dan dalam.

Sekiranya hasrat ini tercapai, UPNM dapat mengambil peranan sebagai

“Research University in Defence and Security”

untuk Negara ini.



National Defence University of Malaysia

Duty, Honour, Integrity



THE UNIVERSITY OF
WARWICK



MSc Engineering Business Management for Defence and Security

Admission : 1 January 2014
Closing date : 2 September 2013



CURRICULLUM STRUCTURE

The increasing cost and complexity of providing modern military and security capability requires that the limited resources available are utilised with maximum efficiency and effectiveness.

This educational programme, based on the University of Warwick's internationally acclaimed Masters programme in Engineering Business Management, is intended to equip participants with the essential knowledge and competences required to rise to this challenge.

This programme is designed to comply fully with the Vision and Mission of the Malaysian Ministry of Higher Education:

- To turn Malaysia into a centre of excellence for higher education;
- To develop and put in place a higher education environment that encourages the growth of premier knowledge centres and individuals who are competent, innovated with high moral values in order to meet national and international needs.

The course is delivered over one year and comprises ten academic modules plus one project. In addition, there are skills workshops that further develop the key competences identified by WMG, Cranfield and UPNM to enhance personal development and delivering clear organisational benefits. Assessment is based on post-module assignment and no final written examinations. At the same time each participant must undertake a major individual research project that will contribute 50% to the overall credits.

MODULES OFFERED:

- MODULE 1: BUSINESS & OPERATIONS DESIGN (5 CONSECUTIVE DAYS)
- MODULE 2 : FINANCIAL ANALYSIS & DECISION MAKING(5 CONSECUTIVE DAYS)
- MODULE 3 : PROJECT PLANNING, MANAGEMENT & CONTROL(5 CONSECUTIVE DAYS)
- MODULE 4 :CAPABILITY MANAGEMENT IN DEFENCE (5 CONSECUTIVE DAYS)
- MODULE 5 : LEAN PRINCIPLES AND APPLICATION (5 CONSECUTIVE DAYS)
- MODULE 6 : LEADING CHANGE(5 CONSECUTIVE DAYS)
- MODULE 7 : SUPPLY NETWORK RELATIONSHIPS IN DEFENCE (5 CONSECUTIVE DAYS)
- MODULE 8 : EFFICIENT AND EFFECTIVE THROUGH LIFE SUPPORT(5 CONSECUTIVE DAYS)
- MODULE 9 : QUALITY, RELIABILITY AND MAINTENANCE(5 CONSECUTIVE DAYS)
- MODULE 10 : INNOVATION STRATEGY (5 CONSECUTIVE DAYS)

For further details:

NDUM Institute of Executive Education (NIEEd), NIEEd Building, Camp Sungai Besi, 57000 Kuala Lumpur Tel : 603-9051 3400(4640) Fax : 603-9051 3089

www.upnm.edu.my

PENGANUGERAHAN BERET MERUN DAN SAYAP PENERUNJAN KEHORMAT KEPADA MENHAN.



**UNIT KOMUNIKASI KORPORAT
KEMENTERIAN PERTAHANAN MALAYSIA**
Jalan Padang Tembak 50634 Kuala Lumpur
Tel: +603-2071 3890 / 4008
Fax: +603 2691 1757